

功德若有衆生發善提心則具如是無量功德是故善男子汝得善利發阿耨多羅三藐三善提心修菩薩行具足如是無量功德善男子汝先所問云何菩薩學菩薩行修菩薩道者汝今入是明淨莊嚴藏大樓觀者則能了知學菩薩行修善薩道具足成就無量功德

德

二十

大方廣佛華嚴經卷第五十九

垂十一

大方廣佛華嚴經卷第六十

垂十二

東晉天竺三藏佛陀跋陀羅譯

大方廣佛華嚴經入法界品第三十四之十五
爾時善財童子敬遶彌勒菩薩入掌白言唯願大聖開樓觀門令我得入今時彌勒菩薩即彈右指門自然開善財即入已還閉尔

垂十二

時善財觀察樓觀廣大無量猶如虛空衆寶為地有阿僧祇窓牖却敵欄楯七寶合成阿僧祇幡幢蓋莊嚴阿僧祇寶璽瓔珞垂帶阿僧祇祇大師子幢半月寶像諸寶綰綵又阿僧祇天冠寶衣而以莊嚴阿僧祇寶網羅覆其上阿僧祇金鈴自然演出微妙音聲又雨無量寶華鬘雲諸妙香雲雨阿僧祇細末金屑放阿僧祇勝妙光明普照一切有阿僧祇異類衆鳥出和雅音雨阿僧祇優鉢羅鉢曇摩分陀利華出阿僧祇摩尼寶光普照一切於樓觀內具有百千諸妙樓觀不相障礙莊校嚴飾亦如上說尔時善財覩見樓觀不可思議衆妙莊嚴心大歡喜踊躍無量其心柔輭離諸妄想除滅一切愚癡闍障正念思惟專求妙趣以無礙身恭敬作禮禮已彌勒菩薩威神力故諸樓觀中自見其身又見無量自在神力不思議事或見彌勒隨本種姓壽命知識長養善根諸劫世界一切佛所及諸眷屬

因諸大願初發阿耨多羅三藐三菩提心或見初得慈心三昧因以為名或見彌勒行菩薩行滿足一切諸波羅蜜諸忍諸地淨佛世界見諸如來聞法受持守護正法為大法師得無生忍知某方處某如來所劫數多少而得受記或見彌勒為轉輪王十善化世或為

四天王饒益一切眾生或為帝釋呵責五欲或為夜摩天王讚不放逸或為兜率天王讚歎一生菩薩功德或為化樂天王讚自在法或為魔王說無常法或為他化自在天王讚歎菩薩莊嚴化身或為梵王讚歎四無量心或為阿脩羅王調伏眷屬人大智海了達諸法

悉如幻化或為閻羅王放大光明普照地獄滅一切苦或以餽餼飲食施與諸餓鬼或為畜生受種種身而為說法除其癡闇或為四天王眷屬說法乃至為諸梵天王眷屬說法或為諸龍眷屬說法乃至為人非人等眷屬說法或為聲聞緣覺及諸菩薩大眾說法或

垂十二

二

為發心菩薩乃至十地菩薩說法或見讚歎初發心菩薩乃至十地菩薩功德或見滿足一切波羅蜜入於平等諸法忍門廣三昧門樂深法門修禪三昧出生通明充滿一切行菩薩行隨順世間成就大願或見與同行菩薩俱饒益眾生或見與一生菩薩諸佛現前

受記者俱或見彌勒於百千劫經行誦念書寫經卷無有懈怠或觀法門思惟實義或入諸禪四無量心解脫三昧一切入等或見出生菩薩通明或見正受變化三昧一一毛孔出化身雲所謂天身雲諸龍夜叉乃至摩睺羅伽身雲四天王身雲乃至梵王身雲轉輪聖王王子大臣長者居士聲聞緣覺如來身雲復見一一毛孔中出一切眾生等化身雲或出菩薩法門所謂讚歎菩提心功德門檀波羅蜜門乃至願波羅蜜門四攝諸禪無量三昧通明摠持諸諦諸辯止觀解脫緣起念處三動神足根力覺道聲聞緣覺二乘所行

菩薩大乘諸地諸忍菩薩願行現如是等一切法門或於樓觀見諸如來大眾圍遶又知諸佛家族不同種姓不同其身壽量劫刹教授無量法門正法住世分別了知皆悉不同

卷十二

三

億兜率天菩薩命終降神受胎出生遊行七步觀察十方大師子吼帝釋梵王恭敬奉侍現童子身處宮殿中出遊園觀以薩婆若心出家苦行現受乳糜往詣道場降伏眾魔觀菩提樹轉正法輪昇天宮殿方土劫數眷屬壽量行菩薩行滿足大願演說正法教化眾生現分舍利皆悉不同

亦出如是微妙音聲又聞某菩薩在某世界

於某劫中某知識化迴向善根出牛大願於某佛所大眾之中發菩提心聲又聞菩薩修習諸行劫數多少於某刹中成正覺聲如是名号壽量長短滿足大願化眾生聲於諸菩薩聲聞緣覺大眾之中現般涅槃法住世聲又聞菩薩於某世界悉能廣行檀波羅蜜淨持禁戒修習忍辱發行精進入諸禪定習應智慧為求法故捨諸珍寶國城妻子頭目手足守護正法為大法師施清淨法設大法會建大法幢擊法鼓吹法螺雨法雨與立塔廟種種莊嚴安樂眾生護佛法藏又聞某佛在某世界於某劫中成等正覺眷屬多少壽命長短滿足大願教化眾生聞如是等不可思議微妙音聲身心柔軟歡喜無量即得無量陀羅尼門辯方門忍門精進門大願門通明門智慧門解脫門波羅蜜門三昧門

財於寶鏡中見諸如來及其眷屬諸大菩薩聲聞緣覺淨世界不淨世界雜世界或世界

有佛或世界無佛或上中下世界或有世界
如因陀羅網或有翻覆仰伏世界又復覩見
平正世界悉分別知五道別異又見無量阿
僧祇諸大菩薩經行禪定觀察諸法發大悲
心普覆衆生造種種論辯衆義趣或書經卷
或問或答或見出生三種迴向及諸大願悉

垂十一

四

皆覩見如是等事又見諸寶柱中普放無量
青黃赤白淨頗黎色因尼羅寶閻浮檀金諸
光明網又見珠瓔珞中出八功德香水瑠璃
寶中出無量光明又見優鉢羅鉢曇摩分陀
利中生諸妙華大如車輪華中悉見男女大
小釋梵四王諸龍夜叉乃至人非人等及諸
象馬聲聞菩薩一切衆生種種形類皆悉若
敬合掌禮佛又寶樹中悉見種種妙色之身
所謂如來身菩薩身天龍八部等身釋梵天
身轉輪王身四部衆身各各執持衆供養見
尊重讚歎恭敬禮拜又見半月像中放阿僧
祇日月光明又見彌勒於過去世修菩薩行

布施頭目髓腦手足肢節一切身分國城妻
子種種諸物隨其所須盡給施之又見彌勒
讚歎諸佛恭敬供養或爲醫王療治衆病失
正路者示以正道或爲大船師導至寶洲或
爲馬王荷負衆生令離鬼難或爲論師造諸
經論或爲轉輪王十善化世或見孝順父母

垂十二

五

近善知識不違其教或現聲聞緣覺菩薩如
來形色教化衆生或爲法師讚歎佛法禪思
誦念興諸福業造立塔廟諸妙形像以香華
鬘恭敬供養或教衆生三歸五戒八齋十善
出家學道聞法受持正念思惟住菩提心又
見彌勒於無量劫行六波羅蜜化衆生事又
見彌勒無量劫中諸善知識五時彌勒菩薩
告善財言善來童子汝見樓觀諸大菩薩不
可思議自在力不唯然已見譬如有入夢中
覩見山林河池大海須彌諸天宮殿四天下
中一刀像類見如是已歡喜無量五時善財
亦復如是以大菩薩威神力故遠離虛妄見

三界法皆悉如夢菩薩智慧無礙法門入諸菩薩莊嚴法門究竟菩薩不可思議諸妙方便顯現菩薩神力自在譬如有人當命終時見中陰相所謂行惡業者見於地獄畜生餓鬼受諸楚毒或見閻羅王持諸兵仗囚執將去或見刀山或見劔樹或見利葉割截眾生或見鑊湯煮治眾生或聞種種悲苦音聲若修善者當命終時悉見一切諸天宮殿或見天女種種莊嚴遊戲快樂見如是等諸妙勝事而不自覺死此生彼但見不可思議行業境界善財童子亦復如是於樓觀內見諸菩薩不可思議勝業境界譬如有人為非人所持見種種形類若有問難悉能應答善財童子亦復如是以大菩薩威神力故悉能分別正念思惟一切諸法譬如有人入於龍宮七日半月一歲百歲謂為須臾善財童子亦復如是入彌勒菩薩神力宮殿於百千劫謂如須臾譬如梵宮名莊嚴藏於中悉見三千世

界異類形像善財童子亦復如是於樓觀中悉見一切未曾有事譬如比丘得一切入定行立坐卧隨彼境界悉現在前善財童子亦復如是於樓觀中隨彼境界悉分別知譬如人見乾闥婆城無所障礙善財童子亦復如是於樓觀中見一切法無所障礙譬如有人昇天宮殿見人住處無所障礙譬如大海於中悉見三千世界一切品類譬如幻師悉能顯現一切形色善財童子亦復如是於樓觀中彌勒菩薩威神力故悉見一切未曾有事無所障礙尔時彌勒菩薩攝威神力即時彈指告善財言善男子汝從定起從定起已而告之言汝親見此菩薩神力自在大願功德依果菩薩莊嚴修習奇特諸深妙行出生死道一切法門無量莊嚴諸佛大願不可思議菩薩三昧如是等事汝悉見不善財答言唯然已見蒙善知識威神力故尔時善財白言大聖此何法門答言入三世智正念思惟莊嚴

垂十二

六

藏法門善男子一生菩薩得如是等不可說不可說法門大聖此諸奇特妙莊嚴法從何所來答言菩薩神力之所出生而亦不在神力之中不來不去無積聚處譬如龍雨不從身心但以發意欲雨則雨然彼境界不可思議善男子此諸奇特妙莊嚴法亦復如是無所從來但以菩薩神力出生善男子譬如幻師現種種事無來去處但以幻力現種種事此諸奇特妙莊嚴法亦復如是無來無去無住無著不生不滅但學菩薩智願力故現如是事尔時善財白言大聖從何所來答言佛子菩薩無來趣無行住趣無不著趣不生不死趣不住不至趣不離不起趣不捨不著趣無業無報趣無起不依趣不常不斷趣善男子菩薩但為教化救護衆生從大慈悲來滅衆生苦故從菩薩淨戒道來隨其所樂自在生故從菩薩大願道來本發意故從菩薩神通道來滅衆生苦住佛所故從菩薩無增損

番十二

七

趣來不失身心諸善業故從菩薩慧方便來隨順一切衆生類故從菩薩化身趣來如電鏡像故善男子汝所問我何所來者我從生處摩離國來彼有聚落名曰樓觀有長者子名瞿波羅我為說法令立菩提我本生處諸群生等隨所應化而為說法亦為父母及諸親屬隨應說法安立大乘而來至此善財白言大聖何等為菩薩生處答言善男子菩薩有十種生處何等為十所謂菩提心是菩薩生處生菩薩家故正直心是菩薩生處生善知識家故安住諸地是菩薩生處生諸波羅蜜家故出生大願是菩薩生處生菩薩行家故大悲是菩薩生處生四攝家故真實觀法是菩薩生處生般若波羅蜜家故摩訶衍是菩薩生處生方便波羅蜜家故教化衆生是菩薩生處生菩提家故智慧方便是菩薩生處生無生法忍家故隨順諸法是菩薩生處生三世諸佛家故善男子菩薩摩訶薩以般

若波羅蜜為母大方便為父檀波羅蜜為乳尸波羅蜜為乳母羸提波羅蜜為莊嚴具毗梨耶波羅蜜為養育者禪波羅蜜為潔淨善知識為師菩提分為朋友一切善根為親族一切菩薩為兄弟菩提心為家如說修行為家地菩薩所住為家處菩薩忍法為家尊出

生六願為巨富具菩薩行為順家法讚摩訶行為紹家法甘露灌頂一生菩薩為王太子能淨修治三世佛家佛子如是菩薩超凡夫地證離生法生如來家住佛種姓不斷三寶守護一切菩薩種姓淨所生處離諸惡道悉為一切天人釋梵沙門婆羅門恭敬供養以

生佛家滿足一切大願藏故佛子菩薩摩訶薩生如是家知一切法悉如電光一切趣中受生無厭了趣知化雖現處中而無所著達一切法悉無有我心無憂悔以大慈悲教化衆生而不疲倦了達生死皆悉如夢於一切劫行菩薩行而不疲倦了知五陰皆悉如幻

垂十

八

不畏生死知諸法界心無所著了一切法如熱時炎於一切行不生倒惑遊戲幻法超魔境界得淨法身離煩惱業於諸趣中而得自在無顛倒惑善男子我淨法身充滿一切法界現一切衆生等心一切衆生等音聲一切衆生等名号一切衆生等威儀現一切衆生等隨順世間現一切衆生等受生現一切衆生等童子身一切衆生等想出生一切菩薩大願為變化身與衆生等充滿法界若諸同行失道心者還令發起菩提心故我於此間淨提南界摩離國內拘提聚落婆羅門家種族中生為欲滅彼高慢心故化度父母及親族故於中受生善男子我於南方隨諸衆生所應示現而化度之於此命終生兜率天為欲化度彼諸天故顯現勝妙智慧功德消欲渴愛令知諸行皆悉無常天趣壽命盛必有衰入摩訶衍一生菩薩皆悉雲集為欲教化諸同行故欲開釋迦牟尼世尊所化蓮華見

彼受生善男子我於彼中壽終下生成正覺時汝及文殊師利俱得見我善男子汝今往詣文殊師利問云何菩薩學菩薩行修菩薩道具足成就普賢所行被當為汝分別演說何以故文殊師利滿足無量億那由他菩薩願行常為無量億那由他諸佛之母又為無量

垂十二

九

億那由他諸菩薩師勇猛精進教化眾生名稱普聞十方世界常於一切諸佛眾中為大法師悉為諸佛之所讚歎安住甚深智慧法門分別了知一切法界於無量劫修諸法門究竟普賢菩薩所行善男子文殊師利是汝善知識能令汝得生如來家長養善根積功

德聚能示語汝諸善知識滿足大願顯現一切菩薩不可思議功德是故善男子汝應一心尊重恭敬往詣其所何以故汝先所見諸善知識修菩薩行滿足大願得諸法門皆由文殊師利威神力故時善財童子頭面敬禮彌勒菩薩遶

無數而辭退而行今時善財童子如是經遊百一十城到普門城遊思惟而住

觀察十方一心專求文殊師利何當會遇面奉慈顏作是念時文殊師利遙申右手過百一十由旬至普門城摩善財頂而作是言善哉善哉善男子若離信根憂悔心沒功行不具根失精勤於少功德便以為足於一善根心生住著不發起菩薩行不為善知識之所

攝護不為如來之所憶念是等皆悉不能了知如是法性如是理趣如是所行如是所住若周遍知若種種知若盡源底若漸趣入若解說若分別若證知若獲得皆悉不能是時文殊師利為善財童子示教誨已慰喻令其歡喜踊躍令得成就阿僧祇法門得無量大智光明無量菩薩陀羅尼無量大願無量三昧無量神通無量智慧皆已成就復令得入普賢所行道場之內既置善財自所住已文殊師利還攝不現於是善財得見三千大千世界微塵等諸善知識不違其教增長薩婆若大慈悲藏以淨慧眼普觀眾生安住菩薩

寂靜法門分別了知諸法境界入佛甚深大
 功德海具解脫道長養精進為薩婆若修正
 直心入於三世甚深法海隨順諸佛清淨法
 輪現入諸趣於一切劫修菩薩行滿足大願
 明淨慧光照一切智境淨菩薩根以淨慧光
 除愚癡翳照一切法了達法界一切佛刹及

垂十二

十

諸眾生壞障礙山住無礙法具足成就諸地
 法藏修習普賢菩薩所行善財童子得聞普
 賢菩薩名号行願功德諸地地具地法地得
 地次第地修地住地境界地持地共地正道
 一心欲見普賢菩薩尔時善財正念起如來
 金剛藏道場一切寶蓮華藏師子座心虛空

界等心一切無著心淨一切刹無障礙心於
 一切法境界無障礙心充滿一切十方心得
 薩婆若境界無量心莊嚴道場心深入分別
 法海心教化成就一切眾生廣大心於一切
 劫行菩薩行究竟如來十力心尔時善財起
 是心時自善根力佛威神力普賢菩薩諸善

根力即見十種瑞相何等為十所謂見一切
 淨刹莊嚴菩提見一切刹無諸惡道見一切
 刹淨如蓮華見一切刹一切眾生身心柔輒
 見一切刹無量莊嚴見一切刹一切眾生三
 十二相莊嚴其身見一切刹莊嚴雲覆見一
 切刹一切眾生成就慈心見一切刹莊嚴道

場見一切刹一切眾生皆悉修習念佛三昧
 是為十又見十種光明見一切世界微塵一
 一微塵中放一切如來光明網雲與一切世
 界微塵等一一微塵中放一切佛種種色光
 與一切世界微塵等普照法界一一微塵中
 放一切寶雲光明與一切世界微塵等普照

垂十二

十一

法界一一微塵中施如來光炎輪雲普照法
 界一一微塵中出一切香雲普熏法界讚歎
 普賢菩薩諸行一切大願諸功德海一一微
 塵中放一切日月光雲放普賢菩薩光明普
 照法界一一微塵中出一切眾生等身雲相
 好莊嚴放佛光明普照法界一一微塵中出

一切菩薩身雲究竟一切行充滿法界一一微塵中出一切寶形像雲充滿十方一切世界一一微塵中出一切如來身雲與一切世界微塵等普雨一切甘露正法充滿法界是為十小時善財見十種瑞相已即作是念我今必見普賢菩薩增長善根究竟菩薩妙行

見一切佛若見普賢菩薩得一切智想一心恭敬欲見普賢菩薩今時善財即見普賢菩薩在金剛藏道場於如來前處蓮華藏師子之座大眾圍遶心如虛空無所染著除滅障礙淨一切利以無礙法充滿十方住一切智入諸法界教化眾生於一切劫行菩薩行恭敬供養一切諸佛心無退轉於眾生中最勝最上一切世間無能壞者一切菩薩不能察其智慧境界具不思議諸妙功德普觀三世等諸如來今時善財見普賢菩薩一一毛孔放一切世界微塵等光明普照一切虛空法界等世界除滅一切眾生苦患悉能長養善

薩善根一一毛孔出種種香雲普熏十方一切如來及諸眷屬一一毛孔出一切世界微塵等華雲一一毛孔出一切世界微塵等諸香樹雲出衆妙香莊嚴法界一一毛孔出一切世界微塵等妙寶衣雲莊嚴虛空一一毛孔出一切世界微塵等種種寶樹充滿虛空

以為莊嚴兩種種寶供佛大眾一一毛孔出一切世界微塵等色界天身充滿一切法界一切眾生界讚歎菩提一一毛孔出一切梵王身雲勸請如來轉妙法輪一一毛孔出一切欲天身雲皆悉護持諸佛法輪一一毛孔念念中出一切世界微塵等三世諸佛充滿

虛空無依眾生為作歸依一一毛孔念念中出一切世界微塵等清淨佛刹諸佛菩薩充滿其中教化成就無量眾生一一毛孔念念中出一切世界微塵等淨不淨佛刹充滿虛空令染汙者皆悉清淨一一毛孔念念中出一切世界微塵等不淨淨刹調伏不淨眾生

一一毛孔念念中出一切世界微塵等一切
 衆生身雲隨順世間教化衆生一一毛孔念
 念中出一切世界微塵等菩薩身雲讚歎諸
 佛長養一切衆生善根一一毛孔念念中出
 一切世界微塵等初發心菩薩身雲於一切
 刹示現初發菩提之心一一毛孔念念中出
 一切世界微塵等菩薩身雲於一一刹讚一
 切佛功德願海普賢菩薩所行妙行一一毛
 孔念念中出一切世界微塵等普賢所行兩
 甘露法令一切衆生修薩婆若一一毛孔念
 念中出一切世界微塵等佛初成正覺出興
 于世余時善財見如是等不可思議自在神
 力見已歡喜踊躍無量重觀普賢一一身分
 一一肢節一一毛孔中悉見三千大千世界
 風輪水輪火輪地輪大海寶山須彌山王金
 剛圍山一切舍宅諸妙宮殿衆生等類一切
 地獄餓鬼畜生閻羅王處諸天梵王乃至人
 非人等欲界色界及無色界一切劫數諸佛

垂十二

十三

菩薩教化衆生如是等事皆悉顯現十方一
 切世界亦復如是如此娑婆世界盧舍那如
 來應供等正覺所現自在力東方蓮華妙德
 世界賢首佛所顯現神力亦復如是如賢首
 佛所如是東方一切世界一切佛所顯現神
 力亦復如是如東方南西北方四維上下一
 切世界一切佛所顯現神力亦復如是於一
 切世界一切微塵一一微塵中現自在力亦
 復如是余時善財見普賢菩薩不可思議自
 在神力即得十不可壞智慧法門何等爲十
 所謂於念念中能以一身遍一切刹於念念
 中詣一切佛所於念念中恭敬供養一切諸
 佛於念念中一切佛所聞持正法得一切佛
 法輪智波羅蜜門得不思議佛自在智波羅
 蜜門得無盡辯智慧法門得般若波羅蜜觀
 諸法門得一切法界海大方便波羅蜜門得
 知一切衆生欲性智慧波羅蜜門得普賢所
 得智慧波羅蜜門余時普賢菩薩即伸右手

摩善財頂摩已善財復得一切世界微塵等諸三昧門一一三昧門各有一切世界微塵等三昧以爲眷屬一一三昧中見一切世界微塵等諸如來海長養一切世界微塵等諸功德具生薩婆若滿大願海安住正道究竟一切諸菩薩行發薩婆若勇猛精進爲一切

佛光明所照如此娑婆世界盧舍那佛所普賢菩薩摩善財頂令得具足一切世界微塵等三昧門諸妙功德普賢菩薩在於十方一切世界諸如來所摩善財頂所得功德亦復如是尔時普賢菩薩告善財言善男子汝今見我自在神力奇特事不荅言唯然已見此不思議莫能測者唯除如來善男子我於過去不可說不可說世界海微塵等劫修菩薩行專求菩提一一劫中見不可說不可說世界海微塵等佛修菩提心一一劫中於一切世界設不可說不可說廣大施會給施一切或施妻子城邑聚落頭目髓腦肢節血肉一

垂十二

十四

切身分不惜壽命一向專求一切種智於一劫恭敬供養不可說不可說世界海微塵等佛於彼佛所出家學道受持正法未曾生於貪恚癡心我我所心樂著生死虛妄之心輕慢他心諸障礙心修不可壞佛菩提心未曾志失善男子我所修行菩薩諸行淨佛世

界教化衆生長養大悲供養諸佛及善知識護持正法悉捨一切內外諸物修習世間出世間智令一切衆生背生死苦讚歎一切諸佛功德如是等事於不可說不可說劫中演說劫猶可盡此諸功德不可窮盡善男子我得如是功德具力諸善根力樂勝法力修功德力觀察諸法寂滅性力淨慧助力佛威神力諸大願力大慈悲力淨通明力善知識力得是力故速得本性清淨法身三世不壞又得無上清淨色身超出一切世間隨應化者莫不覩見遊一切刹無處不至現自在力見者無厭善男子汝且觀我清淨法身無量劫

海行菩薩行之所成就無量劫中難聞難見
種少善根聲聞菩薩猶尚不得聞我名字況
見我身善男子若有衆生聞我名者於阿耨
多羅三藐三菩提不復退轉若見若觸若迎
送若隨行若見光明若見震動諸佛世界乃
至夢中見聞我者亦復如是若思惟念我若

垂十二

十五

一日一夜若七日七夜若半月若一月若一
歲若百歲若一劫若百劫乃至不可說不可說
世界微塵等劫若一生念我若百生乃至不可
說不可說微塵等生念我亦復如是以如是
等世界微塵等諸妙方便令一切衆生發阿
耨多羅三藐三菩提心住不退轉善男子若
有衆生聞我修習淨佛利者必得往生清淨
世界若有衆生見聞我身必得生我清淨身
中善男子汝復觀我清淨法身亦時善財於
普賢菩薩相好肢節諸毛孔中見不可說不
可說世界海諸佛充滿一一如來以不可說
不可說大菩薩衆以爲眷屬見彼一一如來

刹海所依不同形色各異金剛圍山大雲彌
覆佛與世間所轉法輪如是等事皆悉不同
又見普賢菩薩於十方刹出一切世界微塵
等如來化身教化衆生今發阿耨多羅三藐
三菩提心亦時善財童子經由親近一佛世
界微塵等諸善知識所得功德於見普賢菩
薩所得功德百分不及一百千萬分乃至算
數譬喻所不能及何以故善財童子於念念
中入不可說不可說佛世界海得不可說不
可說微塵等諸功德藏知諸佛海次第興世
菩薩衆海眷屬圍遶了衆生根現自在力而
化度之或一世界於一劫中修菩薩行乃至
不可說不可說世界微塵等劫修菩薩行不
此世界沒不彼世界生而能教化無量無邊
世界衆生今發阿耨多羅三藐三菩提心亦
時善財童子能自究竟普賢所行諸大願海
不久當與一切佛等一身充滿一切世界刹
等身等行等正覺等自在力等轉法輪等諸

辯才等妙音聲等方便等無畏力等佛所住
等大慈悲等不思議法門自在力等余時普
賢菩薩欲重明此義以偈頌曰

汝等離煩惱 清淨心諦聽
眞實波羅蜜 超出諸世界
遠離煩惱垢 清淨如虛空
無上調御士 圓滿智慧日

除滅煩惱闇 普照一切法
如來無量劫 時乃出興世
難見難復遇 昔為諸群萌
隨順諸世間 其心無染著
既聞普賢教 敬心聽如來
普賢眞佛子 究竟一切行

安樂諸群生 譬如優曇華
苦行無量劫 時諸菩薩眾
自在具實義 常為佛所歎

言必不虛妄 普賢功德華
勸發大衆聽 無盡智慧海
清淨如虛空 明了一切行
一念悉了達 三世一切法
隨其所應化 衆生心煩惱
所樂皆悉知 而為說正法

不染三界法 諸佛微妙智
其心無所著 善知衆生根
諸業善不善 或見如來坐

充滿十方界 衆生罪所障 雖近而不見

或見初發心 遠離諸放逸 無量無數劫
修習菩薩行 或聞諸是勝 妙音演說法
罪垢衆生等 不聞佛名号 或見大菩薩

充滿三千界 究竟普賢行 如來為說法
或見盧舍那 無量無數劫 嚴淨此世界

得成最正覺 或見賢首佛 普賢大菩薩
斯等悉充滿 蓮華妙德利 或見阿彌陀

觀世音菩薩 灌頂受記者 充滿諸法界
或見阿閼佛 香象大菩薩 斯等悉充滿

妙樂嚴淨刹 或見月慧佛 金幢大菩薩
斯等悉充滿 明淨鏡妙刹 或見日藏佛

智灌大菩薩 斯等悉充滿 清淨光明刹
或見十方界 諸佛放光明 為衆轉法輪

除滅愚癡闇 或見一毛孔 不可說佛刹
諸佛莊嚴身 佛子衆圍遶 為轉正法輪

度脫諸群生 或於一毛孔 普見諸佛子
無數億劫中 修習菩薩行 或於一一塵

悉見無量刹	或淨或垢穢	諸行業所起
或見盧舍那	於彼轉法輪	顯現自在力
方便入涅槃	觀察衆生類	一切業煩惱
顯現自在力	化之令解脫	如是諸法王
十方世界中	顯現自在力	我今說少分
或見釋迦文	初成等正覺	饒益諸群生
一切莫能測	或見為菩薩	供養一切佛
或住童子地	顯現自在力	或見行施戒
忍辱勤精進	深入諸禪定	住慧方便地
或見究竟住	一切種智地	三時陀羅尼
出生諸通明	或見無量劫	修習菩薩行
逮得不退轉	甘露灌頂記	或見為梵身
帝釋四天王	利利婆羅門	示現此等身
或見從兜率	命終降神生	或見住宮殿
捨欲而出家	或見坐道場	降魔成正覺
轉淨妙法輪	涅槃後起塔	或見無量壽
最勝天人尊	為授灌頂記	成無上導師
或見十力尊	教化已周訖	般涅槃已來

無量無數劫	或見論師月	現處梵王宮
亦現大自在	魔王宮殿中	或現兜率宮
諸天衆圍遶	為彼說正法	悉令大歡喜
或現處夜摩	帝釋四天王	諸龍夜叉王
八部宮殿中	定光如來所	供養得受記
如是等方便	教化諸群生	光明身壽命
淨慧及眷屬	教化威儀聲	皆悉不可數
見佛同衆生	或身如須彌	或現跏趺坐
充滿於世界	或見光一尋	或百千由旬
或見照法界	或照一切刹	或現壽百歲
百千萬億歲	無量那由他	不可思議劫
無礙清淨慧	一念知三世	悉從因緣起
而實無自性	一刹成正覺	普現諸世界
能現一世界	而作無量刹	示現無量刹
而為一世界	安住無上道	具足無畏力
無礙智慧轉	十二行法輪	知普集盡道
十二支緣起	四辯無礙智	演說一切法
無我無我所	亦無有自性	無生亦無滅

無來亦無去 皆悉如虛空 而不壞諸業
如來為衆生 方便分別說 轉此法輪時
震動一切刹 大海金剛山 無有恐怖者
如來一音說 各隨所應解 滅諸煩惱垢
令住薩婆若 如來一音說 或聞施戒忍
精進禪智慧 慈悲及喜捨 四念四正勤

如意諸根力 覺道止觀念 神通諸法門
如來一音說 八部人非人 梵釋四天王
隨類音聲解 若多貪恚癡 憍慢慳嫉結
八萬四千垢 各聞對治法 未修淨業者
聞說十善道 已修施戒者 聞說般涅槃
染著於生死 懈怠諸群生 聞說解脫門

除滅生死苦 少欲知足者 樂處於閑靜
如是等衆生 聞說二乘音 或修廣大心
具諸功德藏 親近諸佛者 聞說大乘聲
或有一世界 聞說一乘音 或二三四五
乃至無量乘 智慧行有異 解脫無差別
猶如虛空性 無有若干相 如來微妙音

垂十二

十九

其性亦如是 隨所應化者 所聞各不同
佛以過去行 得一微妙音 無心於彼此
而能應一切 佛口放妙光 八萬四千數
普照諸世界 除滅衆煩惱 具足智功德
三種順衆生 離世如虛空 常現於世間
雖復隨世現 生老病死苦 或復現住壽

其性如虛空 如來分別知 一切衆生類
諸根及性欲 令住薩婆若 諸佛尊導師
示入於大衆 隨其所應化 善現威儀法
為諸聲聞現 出家威儀法 常樂修寂滅
無餘涅槃證 婆羅門衆中 示現羸老身
繁髮而苦行 語論無窮盡 服氣或斷食

五熱以炙身 如是現苦行 降伏諸異學
或持異道戒 善善多方術 星曆地動相
種種衆生相 深入諸禪定 三昧及解脫
種種現嬉戲 令得薩婆若 示現樂衣服
種種莊嚴身 勇健善兵法 降伏利利故
現知治正法 時節諸義利 輕語攝衆生

降伏大日故	或詣四天王	八部鬼神所
方便為說法	皆令大歡喜	或現為帝釋
安住善法堂	諸天眾圍遶	為彼演說法
夜摩或兜率	化樂化自在	梵王至淨居
為彼演說法	如是現無數	種種威儀法
無量方便力	度脫諸群生	譬如工幻師

能現種種事	佛為化眾生	示現種種身
如月遊虛空	觀者謂增損	影現諸河池
映蔽螢火光	如來淨智月	示現有增損
處於直心水	映蔽二乘光	譬如深大海
珍寶不可盡	於中悉顯現	眾生形類像
甚深因緣海	功德寶無盡	情淨法身中

無像而不現	譬如明淨日	照除世間闇
如來淨智日	悉除三世闇	如龍興慶雲
普雨於一切	身心不降雨	除熱得清涼
如來亦如是	興起大悲雲	普雨甘露法
滅除三毒火	此法亦不從	如來身心出
如來淨法身	三界無倫匹	超出諸世間

非有亦非無	其實無所依	不去而遍至
譬如夢所見	亦如空中華	非色非無色
非相非無相	非有亦非無	其性如虛空
如海摩尼寶	能出種種寶	眾生諸光明
而光無所有	導師亦如是	雖有而非有
不於一處中	積集功德寶	大仙現虛空

如自性實際	涅槃離欲滅	皆悉是一性
眾生心微塵	海水滴可數	虛空亦可量
佛德說無盡	聞此法歡喜	信心無疑者
速成無上道	與諸如來等	

大方廣佛華嚴經卷第六十

華嚴經梵本凡十萬偈昔道人支法領從于
 開國得此三萬六千偈以晉義熙十四年歲
 次鶉火三月十日於揚州司空謝石所立道
 場寺請天竺禪師佛度跋陀羅手執梵文譯
 梵為晉沙門釋法業親從筆受時吳郡內史
 孟顛右衛將軍褚叔度為檀越至元熙二年

垂十二

+

六月十日出訖

古譯華嚴末卷釋音

垂十二

窻

上或楚江反通孔也又於內見外之聰明

牆

曰肉在欄楯上落反下階際也

柔

上安也順也曲直自由

稜

曰安也順也曲直自由

稜

曰安也順也曲直自由

萌

莫庚反也

衣

飛腰下有光者也

糜

靡為反也

髓

骨上息委反

縈

繞也結也

螢

戶高反夏月腐

囚

上似由反

執

上似由反

容

上布交反

金

下先

屑

下先

包

上布交反

容

上布交反

金

下先

屑

下先